



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palativm


Variis Sacrae-Scripturae Locis, Atque Septem misericordiae operibus quasi
peristromatibus exornatum

Gzaeus, Nicolaus

Augustae Trevirorum, 1618

Quæ præmia sit recepturus misericors tam in hac vita quàm in altera c.7.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)



QVÆ PRÆMIA SIT
RECEPTVRVS MISERICORS
TAM IN HAC VITA QVAM
in altera.

CAPVT VII.

Sacrarum litterarum ingressus viridari-
um, sententiarum variatione decora-
tum, Patrum exemplis exornatum, frequē-
tibus historijs illustre reperio. Vndique sa-
cri flores eloquij vigent, omnium generū
sententiæ inueniuntur ad instar rosarum.
Exemplum præbet Genesis in Abraham & *cap. 18.*
Sara qui pro peregrinorum sustentatione,
pro subcinericij panis largitione, prolis
meruerunt parentes denotari. Præbet & li-
ber regum geminatas mulieres; quarum al-
tera (scilicet Abigail) quoniam Dauidi in- *1. Reg. 25.*
digenti subuenerat Reginæ sublimitatis
decus meruit, altera, (scilicet Sareptana) *3. Reg. 17.*
quia modicum farinæ atque olei Prophetæ
tribuerat; nunquam farinæ & olei penuri-
am passa est. Insuper filium qui naturæ iu-
ra persoluerat, viuum recipere meruit. An-
fortè de Misericordiæ viro sinistrè opina-
tur

seri-
mola
ra

E
Quo
totū
oua-
n car-
atur?
eam?
orum
mal-

is do-
diui-
n cel-
n ne-
re no-
osto-
nis die-
mes-
es ma-
eri-

QVA

34 ESURIENTES PASCERE

- Psal. 36.* tur Regius psalter? Nequaquam: *Iunior sub*
(inquit) etenim senui: & non vidi iustum de-
relictum, nec semen eius quærens panem. Ideo
postea Prouidentia diuinæ prædicans boni-
nitatem subdit: Iacta cogitatum tuum in
Domino & ipse te nutriet. Quæ verba, va-
rijs sacrae scripturae exemplis apertè com-
probantur: Elias namque impijssimæ le-
zabel persecutionem fugiens, in deserto ab
Angelo sustentatus est. Daniel in lacu leo-
num à Propheta Abacuc, necessaria ad vitæ
sustentationem alimenta recepit. Paulus
Heremita cū Anthonio coruo panem mi-
nistrante tempore longissimo vitam duxe-
runt. Quæ quidem omnia licet verissima
sint, tamen à pluribus blasphema voce im-
pugnantur; de quibus rectè dixit psalmista:
Malè locuti sunt de Deo: dixerunt; nunquid
poterit Deus parare mensam in deserto?
Blasphemantium cauillationes omitta-
mus: Sapiens enim inquit: Non affliget Do-
minus animam iusti fame; quæ verba benè
conueniunt cum verbis psalmistæ. Et iterū
cap. XI. inquit: Alij diuidunt sua & ditiores
sunt, alij rapiunt non sua & semper in egestate
sunt. Addit insuper: Qui pronus est ad Misere-
ricordiam benedicetur, de panibus enim suis
dedit pauperi. Deniq; præmium quasi pol-
licens

licens & ostentans inquit: *de primitiis omnium frugum tuarum da pauperibus, & implebuntur horrea tua saturitate, & cellaria vino redundabunt.* Quod quidem ita euenisse legitimus in Patriarcha Ioseph, qui sterilitatis tempore cuique indigenti tribuit sufficienter, nec defuit copia, sed magis abundauit. Bonifacius Ferentinus Episcopus cum annuam penè omnem pauperibus largitus esset, matre ob hoc penè in desperationem acta impatientiam; prostratus in oratione de Dei Misericordia confidens, qui singulari prouidentia Misericordibus subuenit, Matricellaria repleta demonstrat; quod propter abundantiam solito maiorem compuncta, & ad liberalitatem ex multiplicatione frumenti prouocata, filium ad opera Misericordiam, alias tenax, tunc verò liberalis, excitabat. Quid dicat Propheta Isaias de Misericordiam premio audiamus: Cum effuderis esurienti animam tuam, & animam afflictam repleueris, orietur in tenebris lux tua, & tenebrae tuae erunt sicut meridies: & requiem dabit tibi Dominus Deus tuus semper, & implebit splendoribus animam tuam, & ossa tua liberabit: & eris quasi hortus irriguus, & sicut fons aquarum cuius non deficient aquae. Et paulo antè. Tunc erum-

Proverb. 3.

Genes. 41.

D. Greg. lib.

1. Dialog. c. 9.

cap. 58.

R a pes

pet quasi mane lumen tuum, & sanitas tua citius orietur; Et anteibit faciem tuam iustitia tua, & gloria Domini colliget te, &c.

Matth. 5.

Luc. 22.

Luc. 16.

Apoc. 13.

Apoc. 21.

Sup. Matth.

Mirandum profectò diuinæ promissionis sacramentum! *Ipsi* (inquit) *saturabuntur!* vbi? In superna illa Ciuitate, in Regno diuinæ Sapientiæ: Hoc indicat ipse Christus cum discipulorum animos ad celestia contemplanda eleuans dixit: *Ego dispono vobis, sicut disposuit mihi pater regnū, vt edatis & bibatis super mensam in regno meo.* Huic mensæ assidebat Lazarus pauper, dum ab eo diues epulo guttulam aquæ flagitaret, nec impetrare valeret. In hac mensa ponitur in edulium caro illa diuinæ charitatis incendio in patibulo crucis affata: In hac mensa constituetur caro agni occisi ab initio mundi, in se continens sicut in Israelitico Manna omnis desideratæ dulcedinis saporem. In hac mensa *mors ultra non erit* quemadmodum in funesto conuiuio Absalon. In hac mensa omnia sanctorum complebuntur desideria, largitate (vt inquit Dominus Ioannes Chrysostr) remunerantis Dei, quæ maiora erunt Dei præmia, quam sanctorum desideria. In hac mensa *Misericordes non esurient, neque sitient amplius.* Verùm quod fieri potest vt sancti non esuriant neque sitiant

stant amplius, cum ipsa sapientia de se lo-
quens dicat: *Qui edunt me, adhuc esurient, &
qui bibunt me adhuc sitiunt?* Quis in his sen-
tentijs contrarietatem non miretur? Si pri-
ma facie propositiones spectentur contra-
riæ videbuntur; at verò si earum sensus in-
uestigentur, non contrarietas, sed mysteri-
um elucidabitur. Fames namque pro satie-
tate atque desiderij satisfactione sumitur,
significatque omnium desideriorum com-
plementum, quod quidem quoniam suaue
est, per se appetibile est, ideoque quod fa-
mes in corpore; hoc in anima gignit & pro-
curat. Talis fames in glorificatis sanctorum
corporibus est, quæ non stomachum rodit,
sed quæ in diuinæ faciei contemplatione
exardescat. Vti enim vinum bonum sitim
extinguit, & sui maius in appetitu desideri-
um relinquit: ita visio diuina Sanctis satis-
facit, nec tamen desiderium videndi ab eis
tollit, nam vehementior fit oculus aman-
tis, ex continua cōtemplatione rei iam du-
dum amate. Exardescat iam animus ad pro-
missa, siquidem ultra promissa etiam Mife-
ricordium corpora, accidentalis gloria ac-
cedit. Quod ex Osuualdi Regis exemplo
perspicuum est; cuius nec brachium, nec
manus (quoniam misericors fuerat) cor-

Eccles. 24.

V. Bedahist.
Anglic. lib.
2. c. 6.

38 **ESURIENTES PASCERE**

ruptioni post mortem subiecta fuit. Huius autem ratio ex diuina dependet iustitia : Nam sicuti hominū prauorum corpora diuina sic ordināte iustitia per ea torquentur per quæ peccauerunt: sic etiam diuina prouidente iustitia, ordinatissimum fuit, vt in eis membris homo glorificetur, per quæ, non solum se Dei amicum præbuit, sed & salutis media sibi comparauit. Vnde narrat Petrus Crespette nobilem quandam Dominam charitatis maximè operibus addictam, longo post mortem interuallo incorruptam extitisse. Cuius cum sepulchrum aperiretur, suauissimos locofœtoris exhalabat odores. Vt igitur tantæ gloriæ participes efficiamini ò diuites diuidite quæ vestra sunt, & multiplicabuntur, aliena relinquite, ne vestra pereant, date libenter & liberaliter, vt manus munificæ Saluatoris in Cœna agni, carnes exhibeat charitatis, carnes inquam salutiferas.
& delicias omnes regni
cœlestis.

In malo gradato.

